

POU PIBLIK LA
DISTRIBISYON AN MENM TAN

DOKIMAN SOU MEKANIS ENDEPANDAN POU KONSILTASYON AK ANKET

AYITI

MICI-BID-HA-2017-0114

PREMYE RAPO POU SWIVI AKO YO NAN FAZ KONSILTASYON AN.

PWOGRAM POU ENFRASTRIKTI KI PWODIKTIF

**(HA-L1055, HA-L1076, HA-L1081, HA-L1091)
(2552/GR-HA, 2779/GR-HA, 3132/GR-HA, 3384/GR-HA)**

Se Gastón Aín ki te prepare dokiman sa a, li se Kòdonatè faz konsiltasyon an ak María Camila Barriga, ki se responsab dosye, avèk sipèvizyon Victoria Márquez-Mees, ki se direktis MICI (MEC/MEC).

Sou baz politik ki di dwe gen aksè pou enfòmasyon, se poutèt sa nou mete dokiman sa a disponib pou piblik la an menm tan nou distribye li bay manm Konsèy Administrasyon an tou pou enfòmasyon yo.

ENDEKS

REZIME POU ANALIZ

I.	ISTWA KI MACHE AK DEMAND LAN	1
II.	BAZ POLITIK MICI POU SWIVI AKO YO	2
III.	AKSYON KI FÈT PANDAN PERYOD SWIVI KI TE DEKLARE A	2
IV.	KONKLIZYON EPI LOT ETAP YO	5

LYEN ÉLEKTWONIK YO

1. Premye Demann lan
<http://www.iadb.org/document.cfm?id=40856184>
2. Fich Dosye a MICI-BID-HA-2017-0114
<https://www.iadb.org/es/mici/detalle-de-la-solicitud?ID=MICI-BID-HA-2017-0114&nid=21822>
3. Rapò Faz Konsiltasyon an
<http://www.iadb.org/document.cfm?id=EZSHARE-124330786-1142>
4. Pwopozisyon finansye ki pa ranbousab pou pwogram enfrastrikti a (HA-L1055)
<https://www.iadb.org/Document.cfm?id=EZSHARE-422213973-24>
(disponib an anglè sèlman)
5. Pwopozisyon finansye ki pa ranbousab pou pwogram enfrastrikti a pwodiktif la (HA-L1076)
<https://www.iadb.org/Document.cfm?id=EZSHARE-1264222835-30>
(disponib an anglè sèlman)
6. Pwopozisyon finansye ki pa ranbousab pou pwogram enfrastrikti a pwodiktif II (HA-L1081)
<http://www.iadb.org/Document.cfm?id=38279164>
(disponib an anglè sèlman)
7. Pwopozisyon finansye ki pa ranbousab pou pwogram enfrastrikti a pwodiktif III (HA-L1091)
<http://www.iadb.org/Document.cfm?id=39273513>
(disponib an anglè sèlman)
8. Plan Aksyon pou retabli mwayen pou moun yo kapab viv
<https://www.iadb.org/Document.cfm?id=EZSHARE-422213973-89>
(disponib an fransè sèlman)
9. Etid sou enpak sosyal en Ayiti- Pwogram Enfrastrikti Pwodiktif I-IV (HA-L1076, HA-L1081, HA-L1091, HA-1101)
<http://www.iadb.org/Document.cfm?id=37091614>
(disponib an anglè sèlman)
10. Etid Akimile sou Enpak nan enwiwonman an- Pwogram Enfrastrikti wodikatif I-IV (HA-L1076, HA-L1081, HA-L1091, HA-1101)
<http://www.iadb.org/Document.cfm?id=39970805>
(disponib an fransè sèlman)

DEFINISYON NON YO AK ABREVIYASYON YO

Administrasyon	Anplwaye oubyen anplwaye yo ki responsab operasyon ki finanse oubyen dirèkteman oubyen atravè youn oubyen plizyè delege gwoup BID la.
Bank ou BID	Bank Entèamerikèn pou Devlopman
Konsèy Administrasyon	Se Konsèy Ekzekitif BID la.
FC	Faz Konsiltasyon ak MICI
Gouvènman oubyen GdH	Gouvènman Ayiti
<i>Kolektif</i> ou Moun ki fè demand lan (Kandida)	<i>Kolektif Peyizan Viktim Tè Chabé</i>
<i>Komité</i>	Gwoup 10 nan moun ki te fè demand lan/Kandida se yo ki reprezante Kolektif la pandan tout pwosesis la ak MICI
MEF	Ministè Ekonomi ak Finans
MICI ou Mékanis	Mekanis Endepandan pou Konsiltasyon ak Ankèt
OSC	Oganizasyon Sosyete Sivil
PAP	Moun Ki Afekte akòz pwojè a
PAR	Plan Aksyon pou Peyè dèt ak Remete Mwayen pou Moun yo ka Viv
UTE ou Oganis pou Ekzekisyon	<i>Inite Teknik pou ekzekisyon</i> (Unité Technique d'Exécution) ki nan biwo Ministè Ekonomi ak Finans

REZIME POU ANALIZ

Pwogram pou Enfrastrikti Pwodiktif yo la pou bay devlopman sektè prive a jarèt nan zòn Nò peyi a lè yo konstwi epi yon Pak Endistriyèl (Pak) ap fonksyone nan Karakòl. Pak la gen yon gwosè ki egal a 246 Ekta ki nan komin Karakòl tou pre Twou di Nò, Tèye Wouj ak Limonad nan depatman Nòdès an Ayiti. Nan fen lane 2017 la te genyen 57 kay ki te bati, yon estasyon pou netwayaj ak yon santral elektrik. BID te sipòte pwoje a nan 4 operasyon finansman ke yo pa te bezwen ranbouse (HA-L1055, HA-L1076, HA-L1081 et HA-L1091) ak divès koperasyon teknik. Pwogram enfrastrikti (HA-L1055) a, se premye operasyon yo pa te bezwen ranbouse pou sipòte Pak la, se Konsèy Administrasyon an ki te bay dizon li sou sa nan dat 25 jiyè 2011. Operasyon sa a te finanse: (i) premye enfrastrikti Pak la te genyen, kloti a te ladan l tou, Espas pou fè tout kalite tretman dechè, espas pou yon ti bout tan pou fè tout kalite tretman dechè enstalasyon ak jesyon dechè yo, (ii) Kat (4) gwo bilding endistriyèl, (iii) Yon bilding pou administrasyon, (iv) Etid nan sosyete a ak sou anviwonman an, ansanm ak desizyon pou pwoteksyon ak (v) Plan kompansasyon pou Remete sou pye Mwayen pou moun pwojè a te afekte yo kontinye Viv. Yon pati nan finansman dènye sa nou di la yo se yon pati nan operasyon ki gen ti non HA-L1076.

12 janvyè 2017, MICI resevwa yon plent ki soti bò kote Kolektif Peyizan Viktim Tè Chabé, ki te jwenn sipò twa òganizasyon nan sosyete sivil la. Kolektif la gen ladan li 442 fanmi ki t'ap fè jaden nan zòn yo te bati Pak la. Se vre, yo te resevwa yon lajan pa franch pou te itil yo nan peryòd tranzisyon yo ak yon dènye lajan -, Moun ki fè demand yo / kandida yo te di sa pa te ase pou ede yo rejwenn mwayen pou yo kontinye viv. Se menm jan an tou, yo pa te twò konnen ki kalite enpak pwogram nan ka genyen sou anviwonman an, espesyalman sa ki gen awè a kontaminasyon rivyè Twou di Nò a ak nan lè moun ap respire nan zòn pwojè a tabli ak kesyon sou jesyon gwo fatra yo.

Nou te konsidere demand lan akseptab nan dat 23 mas 2017. 14 Jen nan menm ane a, pwosesis pou faz konsiltasyon an ak MICI te kòmanse, ki fini ak yon akò konfidansyèl 8 desanm 2018. Akò sa a gen ladan l demach pou korije sa ki pou korije konsa mwayen pou pèmèt moun ki afekte yo viv ka retounen menm jan ak anvan, ansanm ak fason pou enfòmasyon disponib sou pwogram sosyal yo ak sou anviwonman an.

Sa ki konsène gwoup ki pral fè swivi sou angajman ki te pran yo, tout pati yo te mete yo dakò pou kreye yon komite swivi ki gen twa (3) reprezantan moun ki pote plent yo, yon reprezantan nan administrasyon bank lan ak yon reprezantan UTE. Anplis de sa, tout pati yo te mande pou MICI kontinye ak swivi yo. MICI fasilite rankont komite swivi a avèk kolaborasyon Julián Portilla, ki se youn pami tout ekspè yo nan kesyon fasilite mekanis ak akonpayman pwosesis la depi okòmansman.

Rapò sa a konsidere premye ane swivi a ki gen ladan l peryòd sòti janvye rive desanm 2019. Pandan tan sa a te gen twa reyinyon MICI te fasilite ak komite swivi a, de nan reyinyon sa yo se te rankont fasafas epitou te gen youn sou entènèt. Anplis de sa, MICI te kenbe kominikasyon yo sere sere ak tout pati yo nan rankont ak chak pati yo apa. Pou ka konnen ak evalye ansanm ak yo ki pwogrè ki te fèt nan reyalizasyon angajman ki te pran yo.

Nan finisman premye ane swivi a, angajman konsènan koreksyon sou lajan yo te dwe resevwa ak distribisyon kiteskolè yo te respekte. Men pwogrè sou kesyon jwenn travay nan Pak la te tou piti ak fason pou lòt opsyon anplis yo disponib (achte tè, ekipman espesyal pou travay tè, pwogram pou fini etidye ak pwogram fòmasyon pwofesyonèl), Sitiyasyon sa se rezilta yon pakèt bagay ki gen ladan l tou sitiyasyon peyi a, feblès sistèm nan pou fè kòdinasyon nan biwo yo, anplis de tout bagay sa yo pwosesis administratif yo ki pran plis tan pase sa nou te panse. Nan finisman ane 2019 la pandan reyinyon swivi ki te fèt nan Karakòl, tout Pati yo te mete yo dakò pou rebat kat la sou kesyon dat nan kalandriye a pou li ka tonbe daplon ak sitiyasyon aktyèl la epitou efò ki pou fèt pou avanse pi byen toujou pou evite difikilte ki te pase pandan premye ane pwosesis la.

Nan ane 2020, MICI planifye fè twa misyon Karakòl ak Limonad pou fasilite rankont fasafas avèk komite swivi a pou fè evalyasyon sou konfòmite ansanm ak kòdinasyon rankont chak mwa sou entènèt yo. Mekanism lan ap toujou jwe wòl li kòm kòdonatè ak fasilite general pou rankont ak komite a epitou ap bay sipò ak tout pati yo lè yo bezwen sa, si yo bezwen sa, tankou evalyasyon kondisyon jeneral sou plas ki ka rann pwosesis la vin frajil.

An janvye 2021, dezyèm rapò swivi chak ane a ap pibliye, kote tout aksyon yo ap note epi pwogrè yo ap konte tou.

I. ISTWA KI MACHE AK DEMAND LAN

- 1.1 “Pwogram Enfrastrikti Pwodiktif la” gen pou objektif bay jarèt pou devlopman sektè prive a nan zòn Nò peyi a lè yo bati epi kòmanse itilize Pak endistriyèl Karakòl (Caracol) la. Pak la gen yon gwosè ki egal a 246 ekta epitou se nan komin karacol toupre Twoudinò, Tèrye Wouj ak Limonad ki nan depatman Nòdès peyi Dayiti.
- 1.2 BID te sipòte pwogram nan avèk kat (4) operasyon finansman yo p’ap bezwen ranbouse. (HA-L1055, HA-L1076, HA-L1081 et HA-L1091) ak tou divès koperasyon teknik. Pwogram enfrastrikti (HA-L1055), ki se premye operasyon envestisman yo p ap bezwen ranbouse pou sipòte Pak la, se 25 jiyè 2011 manm Konsèy Administrasyon an te bay dizon yo sou li. Operasyon an te finance (i) premye enfrastrikti Pak la te genyen, kloti a te ladan l tou, Espas pou fè tout kalite tretman dechè, espas pou yon ti bout tan pou fè tout kalite tretman dechè enstalasyon ak jesyon dechè yo, (ii) Kat (4) gwo bilding endistriyèl, (iii) Yon bilding pou administrasyon, (iv) Etid nan sosyete a ak sou anvironman an, ansanm ak desizyon pou pwoteksyon ak (v) Plan kompensasyon pou Remete sou pye Mwayen pou moun pwojè a te afekte yo kontinye Viv. Yon pati nan finansman dènye sa nou di la yo se yon pati nan operasyon ki gen ti non HA-L1076.
- 1.3 Jou ki te 12 janvyè 2017 la, MICI te resevwa yon plent ki soti bò kote Kolektif Peyizan Viktim Tè Chabé, ki jwenn sipò twa òganizasyon sosyete sivil la ki se: *Accountability Counsel*, *Action Aid Haïti* ak AREDE. Kolektif la gen ladan l anviwon 422 fanmi ki t’ap fè jaden nan zòn kote Pak la bati a. Moun ki pote plent yo te di kote kloti Pak la pase a se sou tèren yo t’ap fè jaden an sa anpeche yo gen aksè a tè ki te konn ba yo mwayen pou yo viv. Se vre yo te resevwa lajan pa tranch anvan pou ede yo fè tranzisyon an avèk yon dènye kòb yo te jwenn – Moun ki pote plent yo te di mezi sa yo pa te ede yo rejwenn mwayen pou yo kontinye viv. Se menm jan an tou yo di yo pa te konnen ki kalite enpak pwogram nan t’ap genyen sou anviwo-nman an espesyalman sou sa ki gen awè a rivyè Twou di Nò (Trou Du Nord) a ansanm ak pwoblèm ki gen nan lè y’ap respire nan zòn kote pwojè a te fèt la avèk jesyon gwo fatra yo.
- 1.4 Se 23 mas 2017 yo te deklare plent lan valab. Jou ki te 14 jen 2017 la, aprè etid pou wè kòman dyalòg la ka tanmen, MICI te kòmanse pwosesis faz konsiltasyon an. Daprè politik MICI-BID, Yon pwosesis Faz Konsiltasyon (FC) dwe dire pou pi plis 12 mwa. Nan ka sa a, Konsèy Administrasyon BID la te dakò ajoute 6 mwa sou dire manda nou te pale de li a ki fini 14 desanm 2018.
- 1.5 Pandan pwosesis faz konsiltasyon an, MICI te planifye ak fasilite 6 seri rankont ki te bien prepare daprè swivi sou sijè pati yo te deja chwazi pou chak rankont, epitou itilize yon metòd kote tout moun dakò sou li anvan menm rankont lan kòmanse. Nan fen sis (6) seri rankont yo pati yo te jwenn akò an pati sou 19 pwen ki te ka kòmanse ekzekite toutswit, epi 8 desanm 2018, yo te siyen dènye akò a. Akò sa a gen ladan l sa ki pou fèt pou korije epi pèmèt moun ki te afekte yo rejwenn mwayen pou yo viv tankou anvan ansanm ak efò pou enfòmasyon disponib sou pwogram sosyal yo ak sou anviwo-nman an.

- 1.6 Pou sa ki gen awè ak gwoup pou fè swivi angajman yo te pran yo, tout pati yo dakò pou mete yon komite swivi sou pye ki gen ladan l twa (3) reprezantan moun ki te pote plent yo, yon reprezantan administrasyon BID ak yon reprezantan UTE. Anplis de sa, tout pati yo te mande MICI pou li te patisipe nan rankont swivi yo. MICI t ap fasilite rankont komite swivi a avèk kolaborasyon M. Julián Portilla, youn nan manm ekspè yo nan kesyon fasilite mekanis lan epi se li ki t'ap fasilite rankont yo depi nan kòmansman.
- 1.7 Daprè paragraf 34 nan politik MICI-BID, pati yo dakò sou kesyon akò a, plan an ak kalandriye pou swivi yo, tout sa yo konfidansyèl. Plan swivi MICI bay Konsèy egzekitif BID la, kote yo te bay dizon yo daprè yon pwosesis kote yo pa te gen rezèv, se nan dat 2 fèvriye 2019.
- 1.8 Istwa ki mache ak plent lan MICI-BID-HA-2017-0114 ak dokiman piblik la te prepare pou moun te ka gade pwogrè pwosesis la nan Grèf piblik biwo MICI.¹

II. BAZ POLITIK MICI Pou SWIVI AKO YO

- 2.1 Paragraf 35 politik MICI a (MI-47-6) di, nan ka kote pati yo jwenn yon akò nan pwosesis faz konsiltasyon an, mekanis lan ap prepare yon plan ak yon kalandriye avèk tout pati yo pou swivi akò a si se sa yo vle vrèman. Plan sa pa dwe depase senk (5) lane.
- 2.2 Jan sa te di nan paragraf 35 lan nan politik MICI a, mekanis lan dwe bay konsèy la yon rapò enfòmasyon pou swivi chak ane.

III. AKSYON KI FÈT PANDAN PERYOD SWIVI KI TE DEKLARE A

- 3.1 Nan premye swivi a soti nan mwa janvyè pou rive nan mwa desanm 2019, MICI te fè kòdinasyon pou plizyè aktivite, se yo nou ap prezante anba la a:
- 3.2 **Reyinyon komite swivi a.** Pou premye ane swivi a, yo te planifye twa misyon sou teren pou òganize epi fasilite menm valè reyinyon ak komite swivi a.
- 3.3 Premye rankont komite swivi a te fèt 4 fèvriye 2019 nan Limonad. Rankont sa te gen anvan li te fèt lòt reyinyon ki te òganize avèk chak pati yo pou te prepare li. Epitou rankont ak moun ki te pote plent yo pou pwofite prezans yo sou teren.
- 3.4 Akòz pwoblèm sekirite ki te gen nan peyi a, rankont ki te planifye pou te fèt nan mwa septanm nan te oblije planifye pou yon lòt dat akòz entèdiksyon pou moun pa vwayaje nan peyi a. Pou nou te fè rankont lan MICI te oblije fè li sou entènèt nan mwa oktòb avèk patisipasyon a distans moun ki te pote plent yo, reprezantan Bank lan, avèk UTE.
- 3.5 Pandan kondisyon sekirite yo ap pi bon nan peyi a, twazyèm rankont komite swivi a ta kapab fèt Karakòl (Caracol) 16 ak 17 desanm. Reyinyon sa se MICI ki te fasilite li, kote reprezantan manm Kolektif la ansanm ak konseye yo, avèk reprezantan administrasyon Bank lan avèk UTE tou te reyini. Anplis de sa direktè UTE a te la tou, avèk Mesye Alfred Metellus, reprezantan Ayiti nan konsèy egzekitif BID la. Pandan rankont sa a MICI te fè

¹ Konsa tou ou kapab gen aksè ak dokiman piblik sou dosye sa a atravè lyen elektronik yo.

yon chita pale avè nèf (9) nan manm Kolektif la pou yo te ka konnen sa kèk kandida te panse sou pwogrè akò a, avèk tou pou konplete aksyon pou swivi akò a pandan tout res ane a.

Tabla 1 Tablo # 1. Reyinyon komite swivi yo

Premye reyinyon komite swivi a	Dezyèm reyinyon komite swivi a (sou entènèt)	Twazyèm reyinyon komite swivi a
4 fevriye 2019	25 oktòb 2019	16 ak 17 desanm 2019

- 3.6 **Reyinyon pou swivi sou entènèt dapre sa ki te planifye nan akò a.** Aprè reyinyon fasafas yo pou komite a, nan akò a yo te planifye tou rankont pou swivi sou entènèt pandan premye ane akò a ap ekzekite a. Pou ede avèk lojistik reyinyon sa a se òganizasyon sosyete sivil la, konseye moun ki te pote plent yo, ki te reprezante yo nan rankont sa yo. Nan peryòd nou konsidere yo, te gen de rankont sou entènèt ki te rive fèt. Se menm jan an tou, nou te pwofite prezans konseye yo nan rankont reprezantan OSC yo nan Washigton D.C., konseye moun ki te pote plent yo ak reprezantan UTE a te rankontre fasafas an avril nan biwo BID, reyinyon sa a te gen ladan l tou chèf pwojè a ak espesyalis sosyal BID te chwazi pou te reprezante li nan reyinyon swivi a.

Tablo # 2. Reyinyon sou entènèt pou swivi sou kesyon akò a.

Premye reyinyon pou swivi (fasafas)	Dezyèm reyinyon sou entènèt pou swivi	Twazyèm reyinyon sou entènèt pou swivi
8 avril 2019	11 jen 2019	29 jiyè 2019

- 3.7 Tout reyinyon an pèsòn oubyen sou entènèt se Julián Portilla ki te dirije yo, te gen ladan yo tou youn oubyen plizyè reprezantan MICI.
- 3.8 **Kontak sere MICI avèk tout pati yo.** Pandan peryòd obsèvasyon an MICI te kenbe kontak chak semèn avèk chak pati yo pa telefòn avèk swivi mesaj imel. Li te dirije tou, lè te gen bezwen an, lòt reyinyon lè pati yo mande sa. Nan echanj yo MICI te pwofite chak okazyon pou li te konprann pozisyon chak pati sou kesyon pwogrè ak respè akò a, pou idantifye pwoblèm yo ki ka frennen reyalizasyon aktivite yo te dakò sou li yo, epitou pou fè pwopozisyon solisyon pou rezoud pwoblèm sa yo.
- 3.9 **Atansyon ak medya yo avèk evenman bridsoukou yo.** Pandan peryòd obsèvasyon an MICI te swiv avèk anpil atansyon kisa medya yo ak laprès, rezososyo yo, lòt mwayen kominikasyon elektwonik yo ap di sou evènman yo pou ka idantifye tout enfòmasyon ki te ka gen efè sou aplikasyon aktivite yo te dakò fè pou swivi akò a.
- 3.10 **Respè konfòmite a.** Nan mwa desanm 2019, men sa nou te obsève:
- 3.11 Total lajan yo de manke pou konplete konpansasyon an, yo te peye l. Nan aplikasyon pwosesis faz konsiltasyon an pati yo te dakò pou fè rechèch sou kantite kòb ki te dwe bay pou konpansasyon an dapre sa ki te di nan PAR la avan yo te siyen dènye papye

akò a. Aprè rechèch sa a, yo te jwenn yon ti diferans tou piti sou total kòb yo te dwe bay pou 40 moun. Nan twazyèm trimès ane 2019 la aprè yo te fin fè règleman yo, dosye sa a te fèmen.²

- 3.12 Aksè pou jwen travay nan Pak la ki dwe benefisye yon fòmasyon teknik anvan. Enskripsyon moun ki te afekte akòz pwojè a pou ka jwenn travay la te kòmanse nan kòmansman ane 2019 la. Se nan premye trimès la gwoup faktori yo avèk sipò BID te òganize twa jounen enskripsyon. Komite a te jwe yon gwo wòl nan ede fè kòdinasyon pou moun ki te afekte akòz pwojè a pou yo te ka patisipe nan rankont sa yo. 77% pousan nan tout PAP yo te enskri. Nan finisman ane a, 12.5% pousan moun ki te enskri yo te kalifye pou jwenn travay nan Pak la, yo te deja kòmanse travay.
- 3.13 Mezi koreksyon anplis pou remete mwayen pou moun yo kontinye viv tankou avan. Nan pati sa a, pwosesis pou chwazi opsyon yo te bout nan twazyèm trimès ane 2019 la. Gwoup faktori yo ak sipò Bank lan te reyalize atelye pou moun yo te ka chwazi opsyon yo, metòd yo ap itilize pou fè sa pati yo te deja prezante epi antann yo sou sa depi nan premye rankont komite swivi a. Pandan premye jou enskripsyon yo nan mwa mas 2019, yo te jwenn difikilte pou jwenn total PAP ki te kalifye dapre sa ki te di nan akò a. Se poutèt sa yo te mete twa jou anplis kote yo chak te dire plizyè èdtan pou pwosesis chwa a te ka rive nan bout li. Malgre pwolongasyon ki te bay pou enskripsyon yo, nan mwa out yo pa te ka ranpli kondisyon ki te nan akò a. Jounen sa yo fini pandan komite a ap eseye demele bagay yo nan mwa oktòb 2019, dapre akò yo te genyen anvan avèk UTE ansanm ak Bank lan. Se poutèt sa, nou nan fen 2019 la, men nou pa ka kòmanse ofisyèlman aplikasyon okenn nan opsyon anplis yo te prevwa yo.
- 3.14 Distribisyon kiteskolè. Nan mwa out, dapre jan akò a te prevwa sa, tout PAP yo te jwenn kiteskolè, yo te la jou distribisyon an. Lè nou ap fè rankont ak chak pati yo apa avèk moun ki te pote plent yo yon bò epi è nou ap fè rankont ak komite swivi a. MICI te montre li pa te dakò avèk kalite youn nan bagay kit la te gen ladan l. Pandan dènye reyinyon komite a, tout pati yo te dakò pou yo ranplase bagay ki pa te gen bon kalite a. An plis de sa, pandan dènye rankont MICI te fè nan mwa desanm, yo te jwenn yon lòt bagay nan kit la kote kalite li te pi mal toujou. MICI ap remèt rapò sa a bay komite swivi a pou yo ka analize ki aksyon ki pou fèt ansanm nan ka sa a.
- 3.15 Aksyon ki gen rapò ak enpak sosyal epi enpak sou anviro-nman nan Pak la. Pandan reyinyon komite swivi a nan mwa desanm, yon prezantasyon administrasyon BID la ak UTE sou fason Pak la te prevwa fè jesyon sosyal yo ak jesyon anviro-nman an, Akòz pwobèm tan, prezantasyon an pa te fèt jou a, yo te chwazi fè li nan reyinyon fasafas komite swivi a ap fè nan ane 2020. UTE pran angajman pou li pataje avèk moun ki pote plent yo, anvan rankont lan rapò sou echantiyon dlo a ak tout prezantasyon yo pral itilize yo.

² Yo te enfòme MICI ke 6 sou 40 ka moun ki te afekte yo pa t ale nan jounen travay UTE te òganize yo pou l ta rive peye diferans ki te manke a.

- 3.16 Finalman, nan finisman ane a, rankont pou sipòte pwomosyon mikwokredi a kote òganizasyon ki nan zòn nan ap bay enfòmasyon sou sèvis yo ka ofri PAP ki enterese yo pa te rive fèt.

IV. KONKLIZYON EPI LOT ETAP YO

- 4.1 Pandan peryòd nou analize nan rapò sa a, pwosesis pou fin peye moun yo ti tchotchou yo te dwe yo a te rive nan bout li, epitou dat limit pou distribisyon kit eskolè yo te respekte. Men, te gen ti pa tou piti ki te fèt konsènan aktivite jan sa te prevwa, pou moun yo ta jwenn travay nan Pak la pou yon sipò anplis.
- 4.2 Reta yo jwenn ki fè angajman sa a poko respekte se akòz sitiyaasyon frajil nan kesyon sekirite nan peyi a ane ki sot pase la a epi ki fè moun ki an Ayiti paka deplase fasilman ansanm ak anplwaye etranje yo tou ki pa t'ap viv nan peyi a antre. Se poutèt sa pandan premye ane swivi akò a, sa ki te make li se te sitiyaasyon sosyal, politik konplike ki te gen nan tout peyi a. Nan kòmansman mwa desanm 2019, sitiyaasyon an sanble te gen plis estabilite, sa ki te pèmèt komite a fè twazyèm rankont li sou teren. Men, gen kèk manifestasyon detanzantan, se yon sitiyaasyon politik ak enstitisyon yo ki fè kondisyon sekirite yo te vin pi fèb.
- 4.3 Nan sitiyaasyon an, chanjman nan enstitisyon yo, ak chanjman anplwaye yo te aklè nan reta nan pwosesis la. Nan ka UTE, yo gen yon lòt direktè epitou se yo menm kounye a ki pran jesyon total administrasyon Pak la. Kanta moun ki te pote plent yo, de (2) nan moun ki te la kòm konseye òganizasyon sosyete sivil la ki te akonpaye yo depi nan kòmansman pwosesis la lè yo te pote MICI plent te oblije sòti nan pwosesis la pou rezon pèsònèl.
- 4.4 Konsènan aksè pou jwenn travay nan Pak la, pwogrè yo nan ka sa a pi piti pase sa ki te prevwa nan akò a. Se konsa gen gwo diferans nou jwenn ant valè moun ki enskri ak valè moun yo pale ak yo ansanm ak valè moun ki jwenn travay. Nan kèk ka, gen difikilte nan zafè kontakte kandida yo lè yo fin enskri. Epitou yo konstate fòmasyon faktori yo bay pou moun yo ka jwenn travay la yo fèt nan yon dire tan ki diferan, kèk fwa pi piti pase yon mwa, sa depann anjeneral de kapasite moun y'ap anplwaye a.
- 4.5 Depi nan dezyèm trimès ane 2019, yo te jwenn kèk difikilte pou kòdone epi mobilize kandida pou yo te patisipe nan rankont pou chwazi opsyon anplis yo. Se poutèt sa, pwosesis enskripsyon pou opsyon yo depase dat yo te prevwa a, sa te pran sis (6) mwa anplis. Se menm jan an tou, pwosesis administrasyon UTE ak BID te dwe fè aprè pwosesis chwa a te rive nan bout li, te sibi reta tou.
- 4.6 Malgré sitiyaasyon peyi a avèk pwoblèm aplikasyon akò a pandan peryòd la tout pati yo te kenbe kontak pa telefòn epitou te travay ansanm pou jwenn lòt solisyon. Espesyalman pandan dènye reyinyon komite swivi a, yo te mete yo dakò sou ki lòt etap yo pral travay pou kapab respekte angajman yo pi vit.
- 4.7 Nan kesyon travay, pati yo dakò pou enskri yon lòt moun nan fanmi yo oubyen ale ankò ak youn nan moun ki te pase deja, faktori yo pa t ka jwenn nan telefòn. Se konsa tou, y ap chèche mwayen pou bay jarèt pou fòmasyon moun yo anvan yo jwenn travay grasa

resous ki genyen nan Pak la. Sou sa ki gen awè pou opsyon anplis yo, tout pati yo dakò sou yon kalandriye avèk aktivite andetay ansanm avèk dat limit pou yo kapab konprann pi byen pwosesis administratif yo pou aplikasyon akò a, ansanm ak sipò pou prevwa devlopman aktivite yo. Lòt dat ki chwazi yo fè wè anpil aktivite enpòtan nan premye mwa ane 2020.

- 4.8 Ti koreksyon nan kwonogram nan (orè a) ap ede nou pran vitès. Toutfwa, li enpòtan pou note ke, menm lè kondisyon sekirite a te amelyore nan mwa desanm 2019 la, sou plan enstitisyonèl kondisyon yo te toujou delika. Li posib pou sitiyasyon politik-enstitiyonèl la met ansanm ak defi ki gen nan pwosesis administratif yo kapab rive kreye difikilte nan enplemantasyon angajman nou pran yo.
- 4.9 Nan ane 2020, MICI prevwa fè pou pi piti twa misyon nan zòn Karakòl ak Limonad pou fasilite rankont fasafas komite swivi a ak tou pou fè evalyasyon nan kesyon konfòmite, ansanm ak kòdinasyon apèl videyo sou entènèt chak mwa. Mekanis lan ap toujou jwe wòl kòdonatè ak fasiitatè jeneral pou reyinyon komite a, epitou pou bay yon sipò ak tout pati yo lè yo mande sa, si yo bezwen sa, tankou evalyasyon kondisyon jeneral sou plas ki ka rann pwosesis la vin frajil.
- 4.10 Nan mwa janvyè 2021, dezyèm rapò anyèl pou swivi a ap sòti, l'ap konte divès aksyon ki te fèt ak pwogrè ki te reyalize.